

Ang Papa León XIII

Nang Laguín Maalaala. — Ang sangcapuluang nacabudbod sa boong linauac láuac nang dágat nang China,t, nang Océano Pacífico, at cumuha nang n̄alan sa haring Felipe II sa España, cayâ siya,i, pinamagatang Filipinas, halos pagcátuclas sa caniya ni Hernando de Magallanes nang siglo XVI, hindî lámang cagyat siyang náalay sa Dios, pagtitiric na sa caniyang man̄ga dalampasigan nang cagalang-galang na larauan nang Santa Cruz, bagcus pangang lalóng másasabi, na casabay nang pagcátiric na yaon ang pagmumulâ na rito nang Religión Católica. Búhat na noon, ang lalong pinacanais nang man̄ga Romanos Pontífices, na linaquipan nang magandang nasà nang mag-amang Carlos V at Felipe II, man̄ga Hari sa España, ay han̄goin ang man̄ga tagá capuluang yaon sa quinagugumunang pagsamba nila sa hindî tunay na Dios, at sila, masucob sa Religión ni Cristo. Bagay na, sa tulong nang Dios lubhang maligayang quinamtán nang punyaguí nang man̄ga pareng banal nang iba,t, ibang Religión anopa,t, hindî nalaonan at naisipan nang Papa Gregorio XIII, na bigyán niyá nang sariling prelado ang Iglesiang bagong sícat, at caniyang itátag túloy ang Obispado nang Maynilà. Sunudsunod na pagsulong ang lubós na itinugón nang gangayong caayaáyang panucalà. Salamat n̄ga, sa ualang licat na tiyagâ nang Aming man̄ga hinalinhan at nang man̄ga Hari sa España, ang caalipinan ay nalipol, ang man̄ga tubó sa sangcapuluan ay tumahac nang balabalaquing carunun̄gan sa canilang pag aaral, nagdidilagang man̄ga Simbahan ay nan̄gatayo,t, nan̄gagayac, naragdagan ang bilang nang man̄ga Diócesis, pacundan̄gan sa matapat na pag abot nang bayan at nang Santa Iglesia nang Filipinas sa hindî caraniuang

tayo nang ayos nang pamamayan at nang dangal at pag irog sa Religión. Ganító ang ginauang pagpatnugot sa Filipinas nang mangã pinag áanhin anhin nang Catholicismo sa ilalim nang cupcop nang mangã Hari sa España, at nang Patronatong caloob nang mangã Santo Papa sa mangã nasabing Hari. Ng̃uni,t, palibhasa,i, hindi pa nalalaong pinapagbabago nang capalaran nang pananandata ang madlang bagay-bagay nang lupaing yaon, caya ng̃a nagbago rin naman ang ilang nauucol sa Religión. Yáyamang sa pamimitao nang pamamahalang castila,i, napaui naman ang Patronato nang mangã Hari sa España. Dahilang ipinagcamit nang Iglesia nang lalong malaquing calayaán at iquinabaui nang isa,t, isa nang buong-buô at walang capingã-pingã nilang catouiran. Sanhî rito, at upanding huag mabauasan ang bisà nang disciplina, hindi napaliban muntic man, at siniyasat nang buong pag uuari cung anó bagá ang anyo at ugali na cailangang gamitin sa bagong calagayang itó. Alang alang dito,i, caya ng̃a naman sinugò naming Delegado Extraordinario ó tanġing quinatauan sa Islas Filipinas, ang Aming cagalanggalang na capatid, na si Plácido Luis Chapelle, Arzobispo sa Nueva Orleans, at nang sa caniyang pagmamalas nang lahat nang nangyayari, mahatulan Niya agad ang anomang di marapat ipagpaliban, at saca ipagbigay alam sa Amin. Iquinalulugod ng̃a Namin ang caniyang pagcatupad nang tinangap niyang tungcol, caya ng̃a matapat namang siya,i, Aming papurihan. Sa caduluhan at cabutihang capalaran, ay naisipan nang Gobierno nang Estados Unidos sa América, na siya ang maquipagsangunian dito sa Santa Sede sa pamamaguitan nang tanġing Legación ó quinatauang ucol sa paraan nang pagputol nang ilang sigalutan, hinguil sa mangã bagay nang catholicismo sa sangcapuluang Filipinas. Taglay ang buong galac nang pusò na Aming tinulunġan ang salitang pinamulan, at salamat sa sicap at tining nang loob nang mangã pinagcatiualaan nang mangã salitaang itó, ay maluag na nabucsan ang pagcacaayos nang ng̃ayo,i, pamumulang ganapin sa sangcapuluan. Pagcatapos dininġig ang mangã panucala nang mangã Cardenales nang Santa Iglesia Romana, na talagang sumisiyasat at naquiquialam nang mangã tanġi at di caugalian bagaybagay, pagcapaguari Nilang mahinahon, ay minarapat na lalong acma sa mangã pinag-aanhin-anhin nang Iglesia nang Filipinas ang iutos at ihayag Namin ang canilang pasiyá sa Constitución Apostólicang itó: sa lubos na pag-

asa na ang itatag nang Aming cataastaasang capangyarihan, sa tulong nang catapatang loob at catuiran nang Gobierno nang Estados Unidos, ay pacasisinupin at pacaiingatang tupding mahusay.

I.

Ucol Sa Manġa Bagong Hanganan Nang Manġa Diócesis.

Ang cáunaunahan nġang hanġad at tunġo niyaring pusò ay dagdagán ang mahal na Jerarquia sagrada. Caya nang Aming nábanguit na, pagcatatag na ni Gregorio XIII nang Diócesis nang Maynilà, samantalang dumarami ang bílang nang manġa bininyagan, manġa tauo mang tubò sa capuluang yaon na yúmacap nang Catholicismo, gaya naman nang manġa tagá Europa na naparoon lamang, binálac ni Clemente VIII na marapat dagdagan ang bilang nang manġa Obispong canilang Prelado. At dahil dito,i, pinamutihan nang danġal na Arzobispal ang Diócesis nang Maynilà, at minagaling Niyang sa pagtatayò nang tatlong Diócesis nang Cebú, Cáceres at Nueva Segovia, ay manġa sacop itó nang capangyarihan nang Archidiócesis nang Maynilà. Sa manġa násabing diócesis ay náragdag naman nang taong 1865 ang Obispado sa Jaro. Gayon man, ang malabis na calauacan nang manġa nasábing Diócesis, at sa pagcalayolayo nang manġa bayan, at cahirapan nang manġa daan, ay halos siyang dahilang hindi icadálao nang manġa Obispo sa kanilang nasásacupan, cundi magdaan nang malaqing hirap at capagalan. Iniháhatol nġa nang pagcacailanġan, na cung mangyayari liit liitán ang sacop nang manġa dating Diócesis at iyo,i, maragdagan nang manġa ilang bago. Caya nġa papananatilihin ang Arzobispado nang Maynilà at ang manġa Diócesis nang Cebú, Cáceres, Nueva Segovia at Jaro, at aming idadagdag ang Lipa, Tuguegarao, Capis, at Zamboanga, na pauang gaya rin nang ibá na masasacupan nang panġulong Maynilà. Bucod dito,i, tatayuan namin ang Marianas nang isang Prefectura Apostólica, na sacop Namin at nang manġa hahalili sa Amin, na hindi pamamaguitanan nang ibá pang capangyarihan.

II.

Ucol Sa Metropolitanano At Sa Manġa Obispos Sufraganeos.

Ang tanġi lamang tatauaguing Metropolitanano,i, ang Arzobispo sa Maynilà: ang iba pa, maguing ang manġa dating Sede, na gaya naman nang manġa bagong matatayong sacop niya, ay may catungculang tauaguing manġa Sufragáneos ó nasasacop nang Archidiócesis. Ucol sa manġa derechos na tatamasahin nang Metropolitanano, at manġa catungculan niyang gaganapin, ay sinasaysay nang manġa Leyes eclesiásticas, na casualucuyang umiiral. Manġa Leyes, na cung nínanasa man Naming huag muntic mang súsumanġin at sosouayin sana, ay gayon din namang Aming pinacananais, na huag sanang magmamalio bahagyâ man ang manġa pagsasama at pagmamahalan nang Metropolitanano at nang caniyang manġa sufraganeo, bagcus arao-arao ay lalong maghigpit at magaanib na magtulunġang mahusay, magpahayagan nang canicaniyang pasiya, at lalo,t, higuít sa lahat ay maglulupon ang manġa Obispo nang lalong madalas, sa buong itinutulot nang pagcacalayo-layo nang canilang manġa tahanan. Ang pagiisang loob, ay siyang tunay na lumic-ha, at nagpapatibay nang lalong malalaquing paquinabang.

III.

Ucol Sa Cabildo Metropolitanano At Sa Manġa Cabildo Nang Manġa Sacop Niyang Diócesis.

Hinihinġi nang danġal at luningning nang Iglesia Metropolitana, na siya,i, paunlakan nang isang Colegio nang manġa Canónigo. Datapua,t, cung saan papanggagalinġin ang manġa estipendios na dating ibinibigay sa manġa Canónigo nang Gobiernong castilà, ay uuariin at ipahahayag nang Delegado Apostólico. At cung dahil sa casualatan nang cáya, ay hindi mangyaring papanatilihin ang dating bilang nang manġa Canónigo, ay babauasan sila, anopa,t, sampong tinatauag na Dignidades ay huag lamang cuculanġin sa sampô. Ang tanġi lamang may malaya at may catouirang sarili na magcaloob nang manġa nasabing catungculang Canongía, na gaya naman nang iba pang Beneficios nang Santa Iglesia Metropolitana, ay ang Arzobispo lamang: libang itinatanġi rito yaong

manġa, ó alang-alang sa Leing pangcalahatan, na sarili lamang nang Sede Apóstolica ang pagbibigay pasiya, ó nauucol caya lamang sa ibang Patronato, ó dili caya,i, nasasacop nang isang concurso. Gayon din namang pinacananasa Namin, na sa manġa ibang Templos Catedrales ay magtayô nang manġa Colegio nang manġa Canónigo. Bagay na samantalang hindi pa magagaua ay magagamit munang Consultores nang Obispo yaong manġa may litao na cabanalan, dunong at cabaitan sa pamamahala nang bagay-bagay, na huhugutin sa isa,t, isang clero, catulad nang guinagaua sa ibang Diócesis, na uala pang Colegio nang manġa Canónigos. At upanding sa manġa nasabing Iglesias Catedrales, na ualang Cabildo, ay huag mabauasan ang caranġalan nang manġa pagpipistang cagalang-galang ang nasabing manġa Consultores ó Sangunian ay siyang tutulong sa Obispo na magdadaos nang pagpipista. At cung sila,i, magcaroon nang anomang capinsalaan, ay papalitan sila nang Obispo nang ibang pinacamarapat, na mahuhugot, maguing sa Clero secular, maguing sa Regular man.

IV.

Ucol Sa Sede Vacante Nang Manġa Sacop Na Diócesis.

Capag ang isang sacop na Diócesis, na ualang Colegio nang manġa Canónigos, ay naulila sa caniyang Obispo, ang Metropolitano,i, siyang mamámahala sa caniyá: at cung ualâ ito, ay yaong Obispo nang Diócesis na lalong calapit, bagaman pagpípilitang dadagliing mahalal agad ang isang Vicario. Samantala,i, pamamahalaan muna ang Diócesis nang Vicario General nang Obispong namatay.

V.

Ucol Sa Clero Secular.

Yayamang itinurong labis at pinagtitibay nang laguing pagmamasiid nang buhay nang tauo, na ang Clero ó manġa sacerdoteng tubò sa isang lupà ay malaquing capaquinabanġan ang ibinibigay sa sariling lupà saan-saan man, ay iniaamo Naming pagsicapan sana nang manġa Obispo ang pagpaparami nang manġa Sacerdoteng tagá Filipinas;

datapua,t, pacaalagaang igayac muna silá sa cabanalan at disciplina, at pacaquilanlin ang manġa carapatan nang manġa pagcácatiualaan nang catungculan sa Iglesia. At yaong manġa maquilalang maliuanag na may lubos na carapatan, unti-unting ipanhic sa lalong maranġal na catungculan. Nguni,t, pacaliningin at pahiguitin sa lahat, na tuparin nang sinomang Sacerdote, na huag silang patánġay cailanman sa hilig nang manġa partido. Sapagca,t, bucod sa ibinabauwal nang manġa Leyes na pangcalahatan, na ang naglilingkod sa Dios ay huag maquitalamitam sa manġa bagaybagay nang bayan, alang-alang sa tina-tauíd na panahon at casacunaan, inaalacà Naming lalong dapat pacainġatang ilagan itó nġayon sa capuluang Filipinas nang bala nang Sacerdote. Bucod sa yayamang ang pagcacaisang loob, ay siyang pinaca-pangulong lacas na magdadaos nang lahat nang gauang daquila,t, paquiquinabanġan, cayâ ang pagcacaisang iya,i, pacaisiping palagui sa canilang manġa pagsasamahan, alang-alang sa cagalingan nang Religió, alang-alang sa tanang manġa Sacerdote na ualang matatanġing signo man, maging Sacerdote secular at maguing regular man. Malinao nġang cailanġang lubhâ, na yaong manġa nasasanib sa tanġi at nagiisang catauan, na si Cristo ang Ulo, ay huag sisibulan nang inguitan silasila, bagcus pa nġang magcacaisang loob at mag-ibigan nang pagmamahalang capatid. At upanding camtan ang pagmamahalang ito at tuloy mamalagui ang bisà at lacas nang disciplina, huag lilimutin nang manġa Obispo ang malaquing paquinabang na ibinubunġa nang madalas na manġa pagpupulong, na tinatauag na Juntas sinodales, ayon sa inihahatol nang lagay nang panahon at nang pamamayan. Cung gayon ang canilang gauin, ay maluag na magcacaisa ang tiboc nang pusò at iisa rin naman ang maguiguing quilos nang lahat. Nġuni,t, nang huag lumauig ang lagabláb nang ningas nang pusò nang Clero, bagcus lalong lumagô at mag-ulol ang manġa cabanalang nababagay sa Sacerdocio, ay lubhang marapat na huag calilingatang gauin ang manġa Ejercicios espirituales. Pacaalagaan nġa nang manġa Obispo, na ang lahat nang napiling maglingcod sa Poon, tuing icatlong taon man lamang ay lumigpit sa isang marapat na lugal upanding magbulaybulay doon nang manġa catutuhanang ualang hangan (verdades eternas,) na canilang mapaglinisan nang alabóc camundohan at papanariuain naman at palalain ang calinisang loob nang pagcasacerdote. Pagsisicapan

din naman na mabisang mamalagui sa Clero sa pamamaguitan nang madalas na pagsasanay ang pagliling at pag-aaral nang manġa sagradas disciplinas. *Pagca,t, ang manġa labi nang Sacerdote ay marapat maguing isang simpanan nang carununġan,* at nang sa ganitong paraan ay maturuan nila ang manġa bininyagan, yamang “*sa bibig nila dapat matutuhan ang Ley.*” (*Malachi 2, 7*) At tunay nġang, ualang bagay na lalong ayos ipagcamit nang adhicang ito, na gaya nang madalas na manġa conferencia, maguing sa nauucol sa Teología moral, maguing sa nahihinguil sa liturgia. Datapua,t, cung sanhî sa manġa cahirapan nang manġa daan, sa cauntian nang bilang nang manġa Sacerdote at iba pang capinsalaang ganganito ay hindi mangyaring idaos ang nanġasabing pulong at pag-uusap, ang lalong magaling na gauin nang manġa hindi macadalo sa nasabing manġa pulunġang, ay saysayin nilang isulat na lamang ang manġa tanong na padala at ipahatid na iagap sa Obispo ang manġa sagot.

VI. Ucol Sa Manġa Seminario.

Cung gaano ang paghahalaga nang Santa Iglesia sa manġa Seminario nang quinabataang, inaanducâ sa canilang hanġad na maguing Sacerdote, ay malinao na maquiquita sa decreto nang Concilio de Trento, na caniyang pinagmulan. Dahil dito,i, carampatang gugulin nang manġa Obispo ang buô nilang caya at talas, upanding sa baua,t, Diócesis ay magcaroon sila nang isang bahay na mapagtatangapan at mapaganducan buhat pa sa camusmusan, at mapagsanayan at mapagturuan, sa sinomang naghahanġad magparè, nang nauucol sa banal na pamumuhay at nang segunda enseñanza at matataas na carununġan. Bagaman ang lalong mabuti ay magcahialay nang tirahan at huag magcahalobilo ang mumuntî at malalaqui, ang nag-aaral nang segunda enseñanza at nag-aaral nang filosofia, at teología. Ang manġa nag-aaral sa nasabing manġa bahay ay hindi macalalabas, samantalang uala pang hábito, sacali,t, sila,i, madarapat na magsuot nito; at cung hindi rin lamang sa isang malaquing dahilan, ay di sila mapahihintulatang macaouñ nang canilang bahay. Ipagcatualâ nang Obispo ang pamamahala nang Seminario sa

lalong litao na sacerdote, maguing sacerdote ng clero secular, maguing sa regular man, na lumalalò sa iba sa cabaitan at carunungang mamahalà, at humiguit sa lahat sa cabanalan at linis nang pamumuhay. Liban sa rito, ang lahat nang macailang naiutos na Namin at nang Aming manḡa hinalinhan, ay nagpapaquilalang lubos cung paano ang pagpapalà nang manḡa pag-aaral sa manḡa sagrados Seminarios. Nguni,t, doon sa manḡa Diócesis na ualang Seminario, pagsisicapan nang Obispong ang manḡa nag-aaral sa caniyang Diócesis, ay anducain sa manḡa Seminario nang manḡa canugnog na Diócesis. Huag tutulutan nang manḡa Obispo, maguing anoman ang dahilanin, na mapasoc sa manḡa Seminario cung hindi rin lamang yaong manḡa binatang talagang maaasahang hahandog sa Dios sa pamamag-itan nang sagrados órdenes. Yaong manḡa naghahanḡad matuto lamang at nang macahauac nang catungculang bayan, cung mangyayari, doon ipasoc sa ibang aralan, na tatauaguing *Convictorios ó colegios episcopales*. Sa caduluha,i, dapat ipacatagubilin, ayon sa cautusan nang Apóstol, na pacacuruin at dahandahanin nang Obispo ang pagbibigay nang orden sagrado canḡinoman, at pacasicaping huag abutan at gamitin sa sagrado ministerio, cundi yaong manḡa lubos naquilalà na at nagagayac nang carampatan sa dunong at cabanalan, na maguing hiyas at pamuti at capaquinabanḡan nang Diócesis. Huag ding calilingatan ang manḡa nacatapos na nang pag-aaral, at lumabas na sa Seminario: bagcus, upanding mailag sa pagpapagayon-gayon at huag malilingat, na mapabayaan ang pag-aaral nang manḡa carunungang nauucol sa Dios, lubhang cailanḡan na, sa loob man lamang nang limang taon buhat nang maguing Sacerdote, ay magcaroon nang mahigpit na catungculang mag-examen nang dogma at nang moral, taontaon, sa harapan nang manḡa paham at magugulang sa cabaitan. At yamang gayon ding magbubucas sa Roma nang isang aralan nang manḡa binatang taga Filipinas, na macaibig magdalisay roong lalò nang canilang pinag-aralang teología at iba pang ganganito, lubhang icagagalac Naming cung magpadala rito ang manḡa Obispo nang manḡa hirang na binata, na pagcatuto nila nang dunong sa religiòn sa tunay na ubod nang catutuhanan, ay canila namang maiturò at paquinabanḡan sa kanilang manḡa cadugô. Sa ganang macacaya namang nang Santa Sedeng ito ay pagpipilitan Niya, sa paraang lalong tumpac na icadadanḡal nang clero secular at icaacyat sa lalong mataas na dunong at lalong mabuting

pagcagayac sa pagcasacerdote, upanding balang arao ay maacmâ silang humalili sa clero regular sa pamamahala nang manġa caluloua.

VII.

Ucol Sa Pag-Aaral Nang Manġa Bata Nang Religion At Hinguil Naman Sa Universidad Nang Maynila.

Tunay nġang hindi marapat, na ang pangugulan lamang nang sicap nang manġa Obispo ay pagmalasaquitan nila ang manġa Seminario, yamang ang lahat nang binatang masoc sa manġa ibang escuelahan ay cailanġan namang pamuhunanan nila nang arugâ at calinġa. Cautanġan nġa nang manġa Obispong lubos nilang pagsumaquitan, na palagui ang pagcaquilala nang religi3n, na maagapay sa pagcasulong nang bata sa canilang ibang pinag-aaralan. Alang alang dito, at upanding marapat na magcaayao-ayao sa lahat ang pagtuturo nang religi3n, pagpilitan nang manġa Obispo ang paghanap nang manġa maestrong may cayang gumanap nang mahalagang tungcol na ito, at gayon din, na ang manġa librong gagamitin ay huag magcacaroon nang bahid man lamang nang camalian. At yamang ang pinaguusapa,i, manġa hayagang aralan, hindi Namin ibig calinġatang huag maalayan nang marapat na papuri ang daquilang Universidad nang Maynila, na itinatag nang manġa Dominico sa pahintulog nang Papa Inocencio X. At yamang caicailan ma,i, lagui siyang nagniningning sa calinisan at cadalisayan nang caniyang aral, at carununġang daquila nang caniyang manġa doctores, at hindi cacaunti ang manġa ibinunġa niyang capaquinabanġan, ay hindi lamang ang nasà Namin ay linġapin siya nang boong pag-irog nang sinomang Obispo, cundî naman siya,i, ilinalagay sa ilalim nang Aming pagcucupcop at pagtatangquilic nang manġa Hahalili sa Amin. Caya nġa naman, sa lubos Naming pagpapatibay nang manġa privilegios at nang manġa caranġalang sa caniya,i, ipinagcaloob nang manġa Romanos Pontífices, na sina Inocencio X at XI at Clemente XII, ay panibago Naming pinagcalooban naman siya nang titulong Universidad Pontificia, at calooban nġa Naming ang manġa grados académicos na mangaling sa caniya,i, macahalaga nang nagbubuhat sa ibang manġa Universidades Pontificias.

VIII. Sa Manġa Regulares.

Sa pagsamantala nitong Santa Sede Apostólica nang bagong calagayang iniaalay nang Sangcapuluang yaon ay minarapat na maglagdâ nang naayos doong manġa cautusan, at nang mapagbalican niyong manġa Religiosong may banal at caranġaldanġalang hanġad ang layong dating pamumuhay na sarili nang canicanilang manġa *Instituto*, alalaong baga,i, sa pagganap na lubos nang manġa banal nilang tungcol, sa lalong pagpapasulong nang mabubuting caugalian nang bayan, at pagpapalagô nang mapayapà et [*sic*] matiuasay na pagcacaayos nang manġa pinagaanhin-anhin nang religiòn at nang pamamayan. Ipinacatagubilin nġa Namin sa bauan,t, isa nang manġa religioso na canilang ganapin nang boong cabanalan ang manġa catungculang canilang inatong pasanin at pamuhunanan nang canilang manġa voto *na hoag magbibigay daan nang ipagcacasala nang iba* (2 Cor. VI. 3.). Iniuutos Namin, na tupdin nang boong cahigpitan ang manġa leyes nang clausura; at alangalang dito,i, calooban Naming ariin nilang catungculan yaong iniuutos nang decreto, na lagdâ nang Congregaciòn nang manġa Obispos at nang manġa regulares nang ica XX nang Julio nang MDCCXXXI at pinagtibay nang nauna sa Aming si Clemente XII sa manġa Letras Apostólicas *Nuper pro parte* nang ica XXVI nang Agosto nang nabanguit ding taon. Ang palatuntunan at hangan nang clausura ay yaong nasasaysay sa isang decreto nang Sagrada Congregaciòn de Propaganda Fide, na lagda nang XXIV nang Agosto nang MDCCLXXX na pinagtibay ni Pio VI. Lalo namang pacatatandaang higuít sa lahat, nang tanang religiosos na tumitira sa Filipinas, ang lubos na paggalang at pagbibigay danġal doon sa manġa *itinatag nang Espíritu Santo na mamahala nang Iglesia nang Dios* (Actos XX. 28); at calaquip nang clero secular sa isang mahigpit na pagcacasundô at pagiibigan, na huag mag-iui sa pusò nila nang maliliban sa paggugol nang boô nilang caya sa pagganap nang canilang banal na catungculan sa icapapaanyô nang catauan ni Cristo, lubos na macaaanib at magcacaísa nang hanġad at layon. At upanding mabunot nang sapol ugat ang lahat nang pinagbubuhatan nang pagcacaalit,

minamarapat din naman naming iutos, na buhat n̄gayo,i, ganapin sa Sangcapuluang Filipinas ang Constitución *Firmandis*, na lagda ni Benedicto XIV nang idus nang Noviembre [*sic*] nang MDCCXLIV, at gayon din naman ang pinamamagatang *Romanos Pontífices*, na noong ica VIII nang idus nang Mayo nang MDCCCLXXXI ay Aming ilinagdâ sa paghatol nang ilang pinagtatalunan nang man̄ga Obispos at Misioneros nang Inglatera at Escocia.

IX.

Ucol Sa M̄ga Parroquia.

Cun alin-alin bagá ang man̄ga parroquiang ipagcácatualang pamahalaan nang man̄ga alagad nang man̄ga órdenes Religiosas, tingnan nang man̄ga Obispong isangunì sa man̄ga Prelado nang canícanilang Orden. At cung may lumabás na sáligutgutan sa bagay na ito, na hindí nila maayos sa ganang sarili, ay ipagsacdal sa Delegado Apóstolico.

X.

Ucol Sa Man̄ga Misiones.

Sa ibang man̄ga dáguisonang pinan̄gan̄gasiuaan nang dunong nang Iglesia sa pag-aalagà, na huag mapin̄gasan bahagyâ man ang pananampalataya, at buongbuong manatili ang mabubuting caugalian at tanang ibá pang bagaybagay na nauucol sa ualang hangang icapapacagaling nang man̄ga caluloua, ay dapat n̄gang maragdag, at tunay n̄gang paquiquinaban̄gan nang malaqui, yaong man̄ga Ejercicios espirituales na pinamamagatang Misiones. Dapat n̄ganing pacanasain, na sa baua,t, isang provincia,i, macapagtatag nang isang bahay, na mâtirahan man lamang nang isang [*sic*] ualong Religioso, na ang tan̄ging tutunculin lamang nila,i, lacbaying madalas ang man̄ga bayanbayan at nayon, at nang sa ganitong paraan ay canilang malinang ang caluloua nang man̄ga taga roon, sa mabubuting aral. Bágay na, cung tunay mang maigui at paquiquinaban̄gan nang man̄ga binyagan, ay lalo pa namang cailan̄gan niyaong man̄ga cahabaghabag na hindi pa namumulat ang mata sa Evangelio. Saansaan man n̄ga, at may man̄ga tauo pang damó ó salvage, na nacalulong sa malupit na pagsamba

sa manġa diosdiosan, ay matanto nang manġa Obispo at nang manġa sacerdote na catunculan nilang pagpilitang pagbaliqing loob. Alang alang dito,i, marapat tayuan ang manġa lupalop nilang tinatahanan nang manġa tirahan nang manġa sacerdoteng mag-aalaga nang canilang manġa caluloua, at huag sucat lamang halinahin at paamoin sa Religión cristiana ang manġa hindi binyagan, cundi naman lalò pa nilang pagsicapan ang pagtuturo sa manġa bata. Ang manġa nasabing hantunġan ay dapat itayo doon sa, cung dumating ang panahon, ay magagauang Prefecturas ó Vicariatos Apostólicos. At nang huag culanġin nang anomang cailanġan sa pamumuhay ang manġa titira roon, na gaganap nang banal na tuncol na ito at nang pagcacalat nang pananampalataya, iniluluhog Namin, na sa baua,t, Diócesis, –libang itinatanġi lamang cailanman ang Institucion de Lion, na pinamámagatang Propagacion de la Fé, –ay magtayô nang canicianyang manġa tanġi at sariling catipunan nang manġa lalaqui at babayi, na siyang manġilac nang manġa ambag nang tanang bininyagang ibig tumulong at siyang magbigay sa manġa Obispo nang canilang mapanġilac, na buongbuo namang ipamamahagui nang carampatan sa manġa Misiones.

XI.

Ucol Sa Disciplina Eclesiástica.

Ualang bagay na lalalò nang bisà upang manatili sa clero ang pagmamahal sa caniya nang manġa bininyagan, na gaya nang maquita nang lahat, na ang iniaral nang manġa sacerdote ay pinagtitibay naman nang canilang manġa gaua. Pagca,t, sa canilang mataas na tayô, –ayon sa sabi nang Concilio Tridentino, – na unġos sa tanang bagaybagay nang panahon at pamamayan, ay sila ang sadlacan nang masid nang iba, na parang sinasalamin, at sila ang pinaghahanġoang tinutularan. Pacundanġan nġa rito,i, quinacailanġang lubhâ na magpacaayos nang pamumuhay at ugali ang manġa clérigo, huag silang masisilipan nang anomang-anomang hindi mahusay, mahinhin at puspós nang religión, maguing sa pananamit, sa quilos, sa buchang bibig at sa lahat nang ibá pa; at pacainġatan ang lalong caliit-liitang capintasan, na capag sila na ang nacagauâ ay bumibigat, at nang sa ganitong paraan ay macaanyaya

nang cagalanġan ang calahatlahatan nilang quilos. Caya nġa, upanding manumbalic ang bisà nitong disciplina eclesiástica, at upandin namang maganap na lubos itong aming Constitución, sinugò Naming *Delegado Apostólico Extraordinario* sa buong sangcapuluang Filipinas, –na siyang manindigan sa Panġalan Namin – ang cagalang-galang na aming capatid na si Juan Bautista Guidi, Arzobispo Stauropolitano, na siyang, –gaya nġa nang nararapat, –ay pinagcacatiualaan Namin nang manġa carampatang capangyarihan; at tuloy pinagbilinan Namin agad bumabalà at magdaos nang Sínodo provincial sa buong agap na itulot nang panahon at nang madlang bagaybagay.

XII.

Ucol Sa Capayapaan Nang Puso At Sa Marapat Na Galang Sa Manġa Pinuno.

Ang natitira na lamang nġayong iuulat at iparirinġig sa lahat ng taga Filipinas, niyaring pagmamahal magulang, na cailanġang paalinġao-nġauin sa boong linauac-lauac nang manġa lupaing yaon, na papanalicsiquin sa lalong casuloc-sulocan niyang pooc, ay ang pag-amuquî; na canilang papanatilihin at pacasinupin ang pagcacaisa sa sinapupunan nang pagcacasundò at capayapaan. Hindi huhuli rito ang cautangġang cristiano: pagca,t, “Lalong malaqui ang pagcacapatid cay Cristo sa pagcacapatid nang dugò: yayamang ang pagcacapatid sa dugo,i, ualang ibang ibinububunġa cundi ang pagcacauanġis nang catauan, samantalang ang pagcacapatid cay Cristo,i, nagpapatanghal nang pagcacauanġis nang catauan at caloloua paayon sa nati-titic.” (Act. IV. 32). “*Ang boong cacapalan nang tanang bininyagan ay iisa ang pusò at iisa ang caluloua.*” (S. Maxim. Init. Serm. S. Augustini C.) Gayon ang hinihinġi nang cagalinġan nang religiòn, na siyang unang ugát at bucal nang manġa cabaitang sumicat at nagsambulat nang cabanġuhan nang manġa nacaraang panahon sa lahat nang bayan sa Filipinas. Sa cauacasa,i, gayon din ang hinihiling nang tapat na pag-irog sa inangbayan, na ualang nacucuha at nahihitâ sa manġa caguluhang bayan liban sa manġa casiraan, caayupan at caruc-haan. Ang manġa may hauac na capangyarihan ay matutong gumalang, gaya nang itinatagubilin nang

Apóstol, *Pagka,t, ang alinmang capanyarihan ay sa Dios nagmumula* (ad Rom. XIII, 2.) At bagaman ang Filipinas ay natititualag sa Amin, at may napapag-itang malauac na dagat, mabatid nilang lahat na sila,i, quinucupcop at pinagmamalasaquitan nang Sede Apostólica, na cung ano ang tanġing pag-irog na guinugugol sa pagyacap sa canila, ay gayon din namang maaasahan nang lahat, na cailanma,i, hindi pamimitauanan ang pag-aarugâ at pagmamalasaquit nang tanang pinagaanhin-anhin niyang sarili at catutubò.

Sa catapusa,i, ipinahahayag Naming caicailanmang panahon ang Constitución Naming ito,i, hindi matututulan ó mapupuing nang camalian, na nġinanġanlang subrepción ú obrepcion man ó nang caculanġan cayâ nang Aming adhicâ, ó hindî kayâ capara nang Aming hanġad ó iba cayang bagay man, at magpacailanma,i, laguing magcaroon nang cabagsican, tatag at tibay at sa lahat nang anoanoman ay mamunġa nang carampatan at nababagay, at lubos pacatalimahing marapat, –na huag macagambalâ ang alinmang Decretos Apostólicos, maguing generales man at especiales cayâ, at maguing yaon mang lagdâ nang manġa Concilios sinodales, provinciales ó universales, gaya naman nang manġa derechos ó privilegios nang manġa matatandang Sede sa Filipinas ó nang manġa Misiones na doo,i, nacetayô na ó itatayô pa ó nang alinmang iba pang manġa Iglesia ó manġa banal na lugal, succdan mang masaniban pa nang panunumpâ ó catibayang buhat sa Santa Sede ó nang anomang iba pang catibayan, maguing anomang bagay na casualunġat, na dapat mang ituring at ipaquibilang: ang manġa bagaybagay na, sa tuing masasalunġat dito nang bahagyâ lamang ay pauâ Naming pinauaualang halaga. Gayon din namang ipinahahayag Naming ualang anomang halaga at casaysayang ang balâ nang anomang, hinguil dito,i, magcataong pangġahasan ninoman at nang sinomang may capanyarihan, na talagahin man ó pagcamalan cayâ lamang. Calooban din nġa Naming ang alinmang salin ó limbag nang Constitución ito, na sinacsihan nang isang Notario Público at nang sinomang may mataas na catungculan sa Iglesia, na nagquintal nang caniyang sariling tatak, ay lubos na paniualaan at pagpitaganan na parang ang iniharap sa canila ay ito ring Aming Diploma. Sinoman nga,i, hindi macapanġanġahas lumabag ó magmatapang na sumalangsang, nang hindi mahuhulog sa malaquing pagcacasala, laban dito sa Aming titic nang

Aming erección, constitución, restitución, desmenbración, supresión, asignación, agregación, atribución, decreto, cautusan at pasiya. At sinomang magpangap at magbalac nang gangayong pacaná laban sa iniaatas nang Constitucióng ito, matantô na siya,i, lalagpacan nang poot nang Dios na Nacapangyayari sa lahat at nang galit nang malulualhating Apóstoles Niyang sina San Pedro at San Pablo. Lagdâ sa piling ni San Pedro sa ilalim nang cabagsican nang singsing nang Manġinġisda (Pescador) nang ica XVII nang Setiembre nang taong MDCCCCII, icadalauangpuô,t, lima nang Aming Pagcapontífice.

Lugar nang tatac.

LUIS CARDENAL MACCHI.
(MAY FIRMA.)